



Ishonch

O'zbekiston kasaba uyushmalari Federatsiyasi gazetasi


Insonga naf keltirish — oliy baxt!

http://www.ishonch-doverie.uz

Gazeta 1991-yil 21-martdan chiqqan boshlagan

2012-yil 7-yanvar № 4 (3041) shanba

Ўзбекистон Куролли Кучларининг 20 йиллигига



Баҳром АБДУРАХИМОВ олган сурат

Билимли, жасур ва матонатли

Мудофаага кўмаклашувчи «Ватанпарвар» ташкилотларида

Шокир ШАРОПОВ, ■
Ўзбекистон Мудофаасига кўмаклашувчи «Ватанпарвар» ташкилоти Бухоро шаҳар автомобил мактаби бошлиғи

Мамлакатимиз хавфсизлиги, сарҳадларимиз дахлсизлиги, осовишта ҳаётимизнинг ишончли кафолати бўлмиш Миллий Армиямиз сафларида мактабимиз битирувчилари ҳам хизмат қилаётганлиги бизга юксак фахр бағишлайди. Вазирлар Маҳкамасининг 2010 йил 31 декабрдаги «Ўзбекистон Республикасида автоматотранспорт воситаларини бошқариш ҳуқуқини бериш, ҳайдовчиларни тайёрлаш ва қайта тайёрлаш тартибини такомиллаштириш чоралари тўғрисида»ги қарори масъулиятимизни янада оширди.

Мактабимиз ҳайдовчилар тайёрлаш ва қайта тайёрлаш бора-сида Республика «Ватанпарвар» ташкилотининг намунали жамоаларидан саналади. Амалий машғулотлар базамиз ўн гектарни ташкил этади. Бу, ўз навбатида, ҳайдовчилар тайёрлаш жараёнининг юқори савияда ташкил этилиши, соҳанинг замонавий услуб ҳамда ёндашувларини мужассам этишни таъминлайди. Бўлажак аскарлар, айниқса, информатика асосларини пухта ўзлаштиришмоқда.

200 нафар курсантга мўлжалланган ётоқхона мавжуд. Ҳафтанинг сешанба, чоршанба, жума кунлари дарсдан кейин доимий равишда спорт тадбирлари ўтказилади. Ҳарбий спорт мусобақалари курсантларни жисмоний чиниқтиришда кўл келмоқда.

Мактабимиз жамоаси бундан кейин ҳам мамлакат Куролли Кучлари сафига баркамол мутахассис кадрлар етказиб бериш ва давлатимизнинг муносиб ҳимоячиларини давр талаблари асосида тайёрлашда куч-ғайратини аямайди.

Акмал АБДИЕВ, ■
«Ishonch» мухбири

Мудофаага кўмаклашувчи «Ватанпарвар» ташкилоти Қамашли туман кенгашида Республика Куролли Кучларининг 20 йиллиги байрамига қизгин ҳозирлик кўрилмоқда.

— Туман кенгашида 21 та бошланғич ташкилот мавжуд бўлиб, аъзолар сони 2015 нафарни ташкил этади, — деди кенгаш раиси Рашид Наврўзиев. — Куролли Кучларимиз мудофаа кудратини мустаҳкамлашга кўмаклашиш, кенг халқ оммасини, хусусан, ёшларни ҳарбий ватанпарварлик руҳида тарбиялаш, оммавий касбдаги техник мутахассис ходимларни тайёрлаш, спортнинг техник ва амалий турларини ривожлантириш асосий вазифамиздир.

Хусусан, картинг, мотоспорт ва пневматик милтиқдан ўқ отиш тўғрисида 40 нафар ўқувчи мунтазам шуғулланмоқда. Бундан ташқари, ҳайдовчилик курсларида таҳсил олаётган ўқувчиларга пневматик милтиқдан ўқ отиш сирлари ўргатилиб, машғулотлар якунида ушбу спорт тури бўйича мусобақа ташкил қилинаётир.

Туман кенгашида чорак асрдан буюн мураббийлик қилиб келаётган Баҳодир Турсоатов спорт турлари бўйича вилоятда кўзга кўринган ҳакамлардан саналади. Мотоспорт ва картинг машғулотларини олиб бораётган ёш мутахассис Шуҳрат Наврўзовдан ҳам барчанинг умиди катта.

Айни кунларда давом этаётган «Мудофаа ойлиги» тадбирлар режаси хилма-хил. 63-мактабда пневматик милтиқдан ўқ отиш бўйича туман биринчилиги ўтказилса, ўқув техника спорт клубида фахрийлар билан учрашув ташкил этилади.

2012 йил — Мустақкам оила йили

Ҳаётимиз чароғи

Самарқанд вилоят касабаси уюшма ташкилотлари бирлашмаси кенгашининг Хотин-қизлар билан ишлаш комиссияси раиси Зухра Маматқулова билан суҳбат

— Президентимиз томонидан 2012 йилнинг «Мустақкам оила йили» деб эълон қилинишида рамзий маъно бор. Зеро, эзгу фазилатлар, аввало оилада шаклланади...

— Тўғри. Оила азалдан Шарқ халқлари учун муқаддас ғуша саналади. Юртимизда амалга оширилаётган ишлар бекиёс. 2012 йилнинг «Мустақкам оила йили» деб номланиши шу ҳаракатларнинг узвий давомидир. Қолаверса, бу масалага кенг жамоатчиликнинг диққат-эътибори янада ортади. Оила ватан ичра кичик ватандур, дейишади. Бу даргоҳнинг файзи аёллар саналади. Ҳукуматимиз томонидан хотин-қизларнинг жамиятдаги ролини ошириш, қонуний ҳақ-ҳуқуқларини таъминлаш, саломатлигини мустақкамлаш, уларнинг интеллекту-

ал ва маънавий салоҳиятини юксалтириш, оналик ва болаликнинг ҳар жиҳатдан муҳофазаланишига эришиш йўлида кўп ишлар қилинапти.

Меҳнат, оила, жиноят кодексларида, сайловлар тўғрисидаги, таълим, соғлиқни сақлаш, бандлик ва бошқа бир қатор қонунларда хотин-қизлар ҳуқуқлари алоҳида кафолатланади.

Вилоятимизда 908900 нафар аёл яшайди. Уларнинг 200 минг нафардан зиёди халқ ҳўжалигининг турли соҳаларида меҳнат қилиб келаяпти. Ўтган йилда 4732 нафар аёл малакаси оширилди. 7850 нафар аёл уй шароитидаги меҳнат билан банд этилди. Бир сўз билан айтганда иқтисодиётимиз ривожига аёлларнинг улуши тобора ошиб бораёпти.

— Меҳнаткашларнинг

ижтимоий-иқтисодий ва ҳуқуқий ҳимояси касабаси уюшмалари зиммасида. Келишув ва шартномаларда аёллар, фарзанд тарбиясидаги оналарга алоҳида имтиёзлар кўзда тутилган. Уларнинг амалдаги ижроси қандай кетмоқда?

— Вилоят ҳокимлиги, Савдо-саноат палатаси вилоят бошқармаси билан имзоланган уч томонлама ҳудудий келишув ўзаро тенглик, ишонч, ижтимоий ҳамкорлик принципларига асосланади. Шунингдек, 48 та тармок, 11186 та жамоа шартномалари мавжуд. Шу меъёрий ҳужжатлар орқали 582901 нафар ходим, шу жумладан, 257200 нафар хотин-қизнинг ижтимоий-ҳуқуқий ҳимояси кафолатланган.

(Давоми 2-бетда)

Томорқа — хазина



Турсоат ака томорқасида 7 тоннадан кўпроқ ҳосил етиштириб, 20 млн. сўмдан ошиқ даромад олди. Бундан ташқари, кўрада бир неча бош қўй-эчки, 5 бош қорамоли бор. Қишлоқ оқсоқоли одамларни томорқадан унумли фойдаланишга даъват этиш билан бирга буни амалда ҳам кўрсатмоқда.

2-бет

Ёрдамчи ҳўжалик аъзолари жорий йилда 3 тонна қорамол ва 1,5 тоннага яқин парранда гўшти, 24 тонна сут, 400 минг дона тухум, 3 тонна қарам, 9 тонна мева ва 10 тонна полиз маҳсулотлари тайёрлаб эл дастурхонига тортиқ қилдилар. 3200 дона жўжа аъзоларга тарқатилди. Қорамоллар 40 бошга, товуклар 4 минггага етказилди.

2-бет

Абдулхай ЮНУСОВ, ■
«Ishonch» мухбири

Иш билганга минг танга

Асака — автомобил ишлаб чиқарилаётган ҳудуд сифатида маълум ва машҳур. Эндиликда бу ернинг тадбиркор ва ишбилармонлари ҳам ўзларининг маҳсулотлари билан ном қозонмоқда.

Асаканинг бозорбоп гиламлари

Файзабод маҳалла фуқаролар йиғинида фаолият юритаётган «Ўзбек-Турк шериклари» қўшма корхонасида тайёрланган маҳсулотлар ўзининг харидорлиги билан ажралиб туради. Бу корхонада гилам маҳсулотлари, пойабзал ишлаб чиқариш йўлга қўйилган бўлиб, жамоада 92 нафар ишчи-ҳодим меҳнат қилади. Корхонанинг йиллик ишлаб чиқариш қуввати оддий гилам маҳсулотлари бўйича 200 минг метр квадрат, бошқа гилам маҳсулотлари бўйича 500 минг метр квадратни ташкил этади.

— Юртимизда тадбиркор ва ишбилармонлар учун қулай шароитлар яратилган, — дейди бош ҳисобчи И. Якубов. — Шу боис, ишлаб чиқаришимиз тобора кенгайиб бормоқда. Яқинда янги технологиялар келтириб ўрнатилди.

Даромадга қараб — буромад, деганларидек, корхона турли ҳўмийлик ёрдамларини кўрсатиб келмоқда. Жумладан, кўзи ожизлар жамиятига бир миллион сўмлик гиламлар туҳфа этилган бўлса, 22-мактабга таълим муассасасига маблағ билан ёрдам берилди.

Саховат

Байрам давом этаётир, совғалар бисёр...

Назира БОЙМУРОВА, ■
«Ishonch» мухбири



Ўзбекистон касабаси уюшмалари Федерацияси кенгаши, Тошкент шаҳар ҳокимлиги, шаҳар касабаси уюшмалари ташкилотлари бирлашмаси кенгаши ҳамкорлигида кўплаб хайрли ишларни амалга ошириб келмоқда. Жумладан, янги йил муносабати билан Республика уруш ва меҳнат фахрийлари пансионати нурунийларини байрам билан қутлаб, совғалар тақдим этишди. (Давоми 2-бетда)



45 та микроавтобус

Урганч шаҳрида транспорт хизматини янада яхшилаш, аҳолига қулай ва арзон транспорт хизмати кўрсатиш мақсадида ўзинида ишлаб чиқарилган 45 та «ISUZU» микроавтобус келтирилди.

Хоразм вилоят ҳокимлиги ва «Ўзавтордотранс» агентлиги Хоразм вилоят бўлими ташаббуси ҳамда кўмагида амалга оширилган ушбу хайрли тадбирдан урганчликлар мамнун. Умумий миқдори 3 млрд. 104 млн. сўмлик лизинг асосида келтирилган ушбу микроавтобуслар йўловчилар учун катта қулайликлар яратишдан ташқари «Урганчйўловчилари» давлат унитар корхонаси фаолияти ривожланишига туртки бўлиши шубҳасиз. Микроавтобусларнинг келтирилиши муносабати билан корхонада янги 100 та иш ўрни яратилиб, катта тажрибага эга бўлган ҳайдовчилар ҳамда касб-ҳунар коллежи битирувчилари жалб этилди.

Яна бир қулайлик сифатида ушбу автотранспорт воситаларидан фойдаланиш учун ойлик чипталар йўлга қўйилишини таъкидлаш лозим. Бу эса автотранспорт хизматидан пластик картчалар кўмагида фойдаланиш имконини беради. Тез кунларда Урганча яна 55 та «ISUZU» келтирилиши режалаштирилган.

Алишер ИБОДИНОВ, ■
«Ishonch» мухбири

Мухаббат ТўРАБОЕВА, ■
«Ishonch» мухбири

Наманган шаҳрида ОАТБ «Капиталбанк»нинг филиали иш бошлади. Эътиборли жиҳати, вилоят аҳли мутлақо янги хизмат турларидан фойдаланмоқда. Хусусан, тўй-танталарни кафе, ресторо-ларда ўтказишда филиалнинг кредит маблағлари ёрдамга келиши мумкин.

Янги хизмат турлари

Шундай кредитлардан яна бири оилаларга йўналтирилган. Тилла буюмлар харид қилишга тўғри келиб қолса, филиал маблағи асқотиши мумкин.

Ҳар икки турдаги кредитларини расмийлаштириш учун банк филиали оқватланиш муассасалари, Ўзбекистондаги заргарлик корхоналари билан шартномалар имзолаган.

Филиал директори Элёр Нажмиддиновнинг таъкидлашича, хизматлардан узоқ қишлоқдаги аҳоли фойдаланиш ниятини билдиргудек бўлса, массовий ҳисоб-китоб амалиёти ёрдамга келади. Эслатиб ўтамиз, мазкур филиал вилоятда хозирга қадар мавжуд очик акциядорлик тижорат республика банклари филиаллари қаторига 15-ўлиб қўшилди.

Дилдора РАҲМОНОВА, ■
«Ishonch» мухбири

Шаҳарча қад кўтаряпти

Фарғона ва Марғилон шаҳарлари ўртасида янги «Гавҳар» шаҳарчаси қад ростламоқда. Шаҳарчадаги турар-жой ва бошқа бинолар Корея услубида тикланаётган бўлиб, қурилатган 102 та унинг барчасида иситиш тармоқлари пол остига ўрнатилган. Шунингдек, табиий газ, сув тармоқлари ҳам ўзига хос услубда бунёд этиляпти. Тажриба тариқасида барпо қилинаётган бу намунавий шаҳарча қурилиши «Кредит стандарт банк» томонидан молиялаштирилган бўлиб, уни «Буюк ипак йўли» қурилиш фирмаси қурувчилари бунёд этишмоқда.

Ҳаётимиз чароғи

(Давоми. Боши 1-бетда)
Келишув ва шартномаларга 30 дан ортиқ қўшимча имтиёз ва кафолатлар киритилган. Хар бир ходимга сарфланаётган маблағ микдори 60802 сўмини ташкил этади. Вилоятимиз корхона ва ташкилотларида меҳнат қилаётган 1823 нафар сарфарзанд оналарнинг ойлик маошлари сақланган ҳолда иш ҳафтаси бир соатга қисқартирилган. 2056 нафар аёл қонунда белгиланган муддатдан илгари ҳомиладорлик таътилига чиқарилди. Икки ёшдан уч ёшгача фарзанд тарбияси билан машғул бўлган 884 нафар онага моддий кўмак кўрсатилди. 1349 нафар хотин-қиз корхоналар ҳисобидан бепул даволанди. Уч томонлама келишувга мувофиқ 2 ва ундан ортиқ 12 ёшгача фарзандлари бор аёлларга 3 кун қўшимча таътил берилиб, 3 ёшгача фарзанд тарбиясидаги аёлларга иш ҳақи сақланган ҳолда иш кунини 1 соатгача қисқартирилган. Худуддаги қатор ташкилотларда ижтимоий шериклик

асосида аёллар муҳофазаси муносиб таъминланаяпти. Жумладан, «Ўзбекистон почтаси» ОАЖнинг вилоят филиалида 649 нафар хотин-қиз меҳнат қилади. Фарзандлари 2 ёшдан 3 ёшгача бўлган 17 нафар аёлга 3390 минг сўм қўшимча маблағ сарфланди. «Самарқанд телеком» вилоят корхонасида эса 49 нафар ишловчи аёлларга телефон абонентлик ҳақи учун 362,2 минг сўм тўлаб берилган. Меҳнаткашларнинг 100 нафар фарзанди корхона ҳисобидан бепул дам олдирилган.

— **Ижтимоий муҳофазанинг ишончли кафолати иш билан бандликдир. Бу йўналишда олиб борилган ишларга тўхталсангиз.**

— Вилоят бўйича 66490 та янги иш ўрни яратилди. Иш жойларининг 44363 таси қишлоқ жойларда яшовчилар бандлигини таъминлашга қаратилган. Бу жойларнинг 25067 тасига хотин-қиз жойлаштирилди. 22170 та касаначилик иш ўринларининг

асосини аёллар банд этди. Аёлнинг оилада, фарзандлар ёнида ишлаши, оила бюджетига фойда келтириши чоралари кўрилаяпти.

— **Аёлларнинг ҳуқуқий саводхонлигини ошириш, маънавий оламини бойитишга доир тадбирлар доираси кенгайдими?**

— Вилоят солиқ бошқармаси билан ҳамкорликда соҳада қизик қилаётган аёллар иштирокида «Рухим танамни бошқаради», «Меҳнатим — ибратим», «Хизматим билан Ватан ҳимоячисиман» мавзуда кўрик-танловлар ўтказдик. «Дўппи тикдим ипақлари тиллодан» танлови ташкил этилди. 20 дан ортиқ маҳалладан 200 нафарга яқин чеварлар иштирок этган танлов орамизда кўплаб моҳир кўлларни кашф этди. Айни чоғда «Мустақам оила йили» доирасида муҳим тадбирлар режасини тузаяпмиз.

«Ishonch» мухбири Нурилла ШАМСИЕВ сўхбатлашди

Давра суҳбати

■ **Р.ИНАТУЛЛАЕВА,**
коллекж касаба уюшма кўмитаси раиси

Чортоқ тиббиёт коллежида «Ёшлар ва давр» деб номланган давра суҳбати ўтказилди. Унда мамлакатимизда одам савдосига қарши кураш, ундан жабр кўрганларга ҳар томонлама ёрдам кўрсатишга алоҳида эътибор қаратилаётганини таъкидлаб ўтилди.

Ёшлар ва давр

— Маълумки, мамлакатимизда 2008 йил 17 апрелда «Одам савдосига қарши кураш тўғрисида»ги Ўзбекистон Республикаси Қонуни қабул қилинди, — деди туман «Камолот» ЁИХ етакчи мутахассиси Р.Отақўзиев. — Ва у 8 июлда «Одам савдосига қарши кураш самарадорлигини ошириш чора-тадбирлари тўғрисида» Ўзбекистон Республикаси Президентининг қарори билан янада мустаҳкамланди.

— Миссионерлик — бир динга эътиқод қилувчи халқлар орасида бошқа бир динни тарғиб қилиш, прозелитизм — тўғридан-тўғри бирон-бир динга ишонган фуқарони ўз динидан воз кечишга ва ўзга динни қабул қилишга мажбур қилишдир. Зеро, бугунги кунда жамиятимизга ҳавф солаётган ушбу таъсирлардан ёшларимиз огоҳ бўлиши ва миссионерлик оқимлари таъсирига тушмасликлари лозим, — дейди Абу Бакр Сиддиқ жомеъ масжиди имом хатиби А.Фозилов.

— Бугунги кунда ер юзига 500 га яқин террорчи ташкилотлар мавжуд бўлиб, уларнинг 80 фоизи ислом дини ниқоби остида фаолият юретилади, — деди туман ИИБ Жиноят қидирув ва уюшган жиноятчиликка қарши кураш катта тезкор вакили капитан Ф.Радулов. — Биз ёшларнинг ёмон иллатлар таъсирига тушиб қолмасликлари учун аҳоли орасида тушунтириш ишларини олиб бормоқдамиз.

Тадбир қатнашчилари бундай давра суҳбатларини тез-тез ўтказишга келишиб олдилар.



Пластик карточка: унинг имкониятлари ва сизнинг ҳуқуқингиз

Саволларга Ўзбекистон Республикаси Марказий банкнинг пул муомаласи департаменти директори Мурод БЕКЧОНОВ жавоб беради:

Пластик карточкалар тизimini ривожлантириш борасида қабул қилинган Ўзбекистон Республикаси қонунчилиги тўғрисида маълумот берсангиз. Ушбу қонунлар ижросини таъминлаш юзасидан олиб борилган ишлар ва бунда дуч келинаётган қийинчиликлар ҳақида алоҳида тўхталсангиз.

Пул муомаласи тизimini такомиллаштириш, нақд пулсиз ҳисоб-китобларни ривожлантириш, аҳолининг банк пластик карточкалари билан фойдаланган ҳолда тўловларни амалга ошириши учун қулай шарт-шароит яратиш мақсадида республикамизда етарли ҳуқуқий база яратилган. Хусусан:

— Ўзбекистон Республикаси Президентининг 2010 йил 19 апрелдаги «Банк пластик карточкаларидан фойдаланган ҳолда ҳисоб-китоб тизimini ривожлантиришни рағбатлантириш бўйича қўшимча чора-тадбирлар тўғрисида», 2009 йил 6 апрелдаги «Тижорат банклари депозитларига аҳоли ва ҳўжалик субъектлари бўш пул маблағларини жалб этишни янада рағбатлантириш қўшимча чора-тадбирлари тўғрисида», 2007 йил 7 ноябрдаги «Банк тизimini янада ривожлантириш ва бўш пул маблағларини банк айланишига жалб этиш чора-тадбирлари тўғрисида», 2006 йил 3 августдаги «Пластик карточкалар асосида нақд пулсиз ҳисоб-китоб тизimini янада ривожлантиришга оид қўшимча чора-тадбирлар тўғрисида»ги қарорлари;

— Ўзбекистон Республикаси Вазирлар Маъжасининг 2004 йил 24 сентябрдаги «Пластик карточкалар ёрдамида ҳисоб-китоблар тизimini янада ривожлантириш чора-тадбирлари тўғрисида», 1994 йил 16 майдаги «VISA» дебёт ва кредит карточкаларини муомаласида чиқаришни жадаллаштириш чора-тадбирлари тўғрисида»ги қарорлари ҳамда бошқа меъриий ҳужжатлар.

Мавжуд қўнчилик ҳужжатлари ижросини таъминлаш борасида кенг қўламли ишлар олиб борилмоқда.

2011 йилнинг 28 ноябр ҳолатига муомаласида чиқарилган пластик карточкалар сони 8,1 млн. данадан ошиб, савдо ва пулли хизмат кўрсатиш объектларига 97 минг 300 дан ортиқ тўлов терминаллари ўрнатилиши таъминланди.

Бундан ташқари, жойларда 314 та банккомат ва тўловларни узлуксиз қабул қилиш имкониятини берувчи 533 та инфокиоскалар ўрнатилди.

Республикамиз ҳудудидаги барча савдо ва пулли хизмат кўрсатиш шохобчаларида хизмат кўрсатувчи банкдан қатъи назар тўлов терминаллари орқали тўловларни қабул қилишда бир хил тартибларга риоя қилиниши таъминланиб, ягона тартибда банк операцияларини ўтказишга имкон берувчи Ягона умумреспублика процессинг маркази ташкил этилган.

Оммавий ахборот воситалари орқали пластик карточкалардан фойдаланишнинг афзалликлари ва яратилган имтиёзлар тўғрисида мунтазам равишда тарғибот ва таъшиқот ишлари олиб борилиб, худудларда аҳоли ва тадбиркорлар билан мунтазам равишда семинар ва учрашувлар ўтказилмоқда.

Амалга оширилаётган ишлар билан бир қаторда, айрим савдо ва пулли хизмат кўрсатиш субъектлари томонидан пластик карточка орқали тўловларни қабул қилишда маҳсулот ва хизматлар нархини ошириш, терминаллари атайлаб ишлатмасдан, пластик карточкалар орқали тўловларни қабул қилишни рад қилиш ҳолатлари га йўл қўйилмоқда.

Ушбу салбий ҳолатларни бартараф этиш мақсадида, худудий бошқарув органлари, солиқ идоралари ҳамда кенг жамоатчилик вакиллари иштирокида назорат тадбирлари олиб борилмоқда.

Шунингдек, алоқа тизими ва электр энергия таъминотида юзга келатган узилишлар ҳам тўлов терминаллари орқали ҳисоб-китобларни узлуксиз амалга оширишга салбий таъсир кўрсатмоқда.

Рустам ДАВЛАТОВ, «Ishonch» мухбири

Турсоат Темировнинг касби агроном. У ўзи туғилиб ўсган Сарюсий туманидаги «Сангардак» хўжалигида ўттиз йил ҳосилот бўлиб ишлаган. Унинг тавсияси билан хўжаликда ҳар йили мевазорлар кенгайтирилди, кам ҳосил бўлиб қолган дарахтлар ўрнига янгилари ўтқазилди. Шу сабаб «Сангардак» боғлари серҳосиллиги билан машҳур эди.

15 сотих ердан 20 млн. сўм даромад

Ҳозирда бу боғлар 32 та фермер хўжалиги қўлига ўтган. «Сангардак» қишлоқ фуқаролар йиғини раиси Турсоат ака вақт топди дегунча хўжаликларда бўлиб, фермерлардан дарахт парваришлаш борасида маслаҳатларини аямайди.

«Сангардак»да яшаётган 410 та хонадоннинг томорқаси ҳам анча катта. Уларда олма ва бошқа мевали дарахтлар ўстирилади. Кўп оилалар ҳар мавсумда тонналаб ҳосил олишади. Оқсоқол Турсоат Темиров бу борда ҳам кўпларга ўрнак. Унинг 15 сотих томорқаси бўлиб, бу жойда 70 түп олма дарахт экилган.

Агроном эмасми, дарахтларни қачон ўғитлаш, қайси пайт суғориш, зараркунандаларга қарши қандай курашиш кераклигини яхши билади. Хар кун ишдан қайтгач, кетмонни олиб дарахтзор оралайди. Бу ерда турли олма навлари парваришланади. Ҳосилнинг бир қисми май-июн ойларида пишиб етилса, қолгани сентябр-октябрда узилади. Оқсоқол олмаларни узок сақлаш сирини ҳам пухта ўзлаштирган.

Утган йили Турсоат ака томорқасида 7 тоннадан кўпроқ ҳосил еттиштириб, 20 млн. сўмдан ошди даромад олди. Бундан ташқари, кўрада бир неча боғ қўйгачи, 5 боғ қорамоли бор. Қишлоқ оқсоқоли одамларни томорқадан унумли фойдаланишга даъват этиш билан бирга буни амалда ҳам кўрсатмоқда.

Ўздамчи хўжалик имкониятлари

«Ўзбекистон почтаси» очик акциядорлик жамиятининг Қорақалпоғистон филиали меҳнат жамоаси ўз ходимлари рўзгорини тўқин қилиш мақсадида ибратли ишларни амалга оширяпти.

— 940 нафар ишчи-хизматчи, инженер-техник ходим меҳнат қилаётган корхонамизда чорвачилик, паррандачилик, балкичилик каби сердаромад тармоқларни ривожлантиришга алоҳида эътибор берилаяпти, — дейди филиал директори Баҳодир Машарипов. — Қишлоқ хўжалик маҳсулотлари етиштиришни кўзлаб ташкил этилган ёрдамчи хўжаликларимизда 61 миллион 95 минг сўмга сотиб олинган чорва моллари парваришланмоқда.


Яхши ният йўлида ташкил этилган «Почта чорва ва парранда» масъулияти чекланган жамиятини чорва моллари ва парранда билан таъминлашда Эллиқалъа туманидаги «Ўрнак насл чорва», «Мирзабекова Улбике», «Максетбоев Айдос», «Алланбергеннова Дилбар», «Искандер Кўл», «Собир Каккас», «Сабур Рашид Музаффар» каби фермер ва деҳқон хўжаликлари яқиндан кўллаб-қувватладилар.

Бундан ташқари, Нукус туманидаги Баханшақли овул фуқаролар йиғини худудида 5 гектар майдонда боғ барпо этилиб, 2 минг тунга яқин ўрик, олма, шафтоли, нок, гилос, олхўри, беҳи кўчатлари ўстирилмоқда. Тажрибали боғбон А.Саатдинов нихолларнинг баражв ўсиши учун астойдил жон куйдирмоқда.

Ёрдамчи хўжалик аъзолари жорий йилда 3 тонна қорамол ва 1,5 тоннага яқин парранда гўшти, 24 тонна сўт, 400 минг дона тухум, 3 тонна қорам, 9 тонна мева ва 10 тонна полиз маҳсулотлари тайёрлаб эл дастурхонига тортиқ қилдилар. 3200 дона хўжа ходимларга тарқатилди. Қорамоллар 40 бошга, товўқлар 4 мингтага етказилди.

Балкичилик етти хазинанинг бири ҳисобланади. Амударё туманининг «Хоразм» машина трактор парки худудидан 0,8 гектарлик табиий қўл ичарага олиниб, балки боқилмоқда. Демак, келгусида алоқачилар дастурхонидан парҳезбон гўшт бисёр бўлади.

Маҳаллийлаштириш дастури — амалда



Фаргона шаҳридаги «Евроосиё Тапо-Диск» қўшма корхонасида ишлаб чиқарилаётган автомобиль дисклари нафақат ички, балки ташқи бозорда ҳам ўз харидорларига эга. 2011 йилда корхона томонидан 6,5 миллион АҚШ доллари миқдоридagi махсулот хорижий давлатларга экспорт қилингани ҳам бунинг аққол далилидир.

Дастлаб тўрт турдаги эътиёт қисм ишлаб чиқара бошлаган мазкур корхона бугунги кунда замонавий технологиялар асосида 60 турдаги сифатли, чидамли ва рақобатбардор махсулот — автомобил дисклари ишлаб чиқармоқда. Шунинг учун ҳам ўтган йили «Евроосиё Тапо-Диск» махсулотларининг асосий қисми Россия, Украина, Қозоғистон каби давлатларга экспорт қилинди.

2011 йилда корхонада катта ҳажмдаги модернизация ишлари амалга оширилади: қолиллаш цехи ишга туширилди. Натижада янги дисклар ишлаб чиқариш ўзлаштирилди. Айни кунда буортма асосида исталган ўлчамдаги диск қолиплари тайёрланиб, ишлаб чиқаришга жорий этилмоқда.

Утган йили корхона жамоаси истеъмолчиларга бир миллион икки юз минг донадан ортиқ автомобил дисклари етказиб берди. Айни кунда улар «GM Uzbekistan» заводи ҳамда бир қатор хорижий давлатлар корхоналари буортмаси асосида махсулот ишлаб чиқармоқда.

Айни кунда «Евроосиё Тапо-Диск» қўшма корхонасида ишловчилар сони беш юз нафардан ортиқ. Уларнинг аксариятини касб-хунар коллежларини битирган ёшлар ташкил этади.

Суратда: корхонанинг қолиллаш цехи илғор ишчиси Самин Каттабеков.

Муқимжон ҚОДИРОВ (Ўза) олган сурат

Байрам давом этаётир, совғалар бисёр...



(Давоми. Боши 1-бетда).
Шунингдек, тармоқ касаба уюшмалари шаҳар ташкилотлари томонидан корхона, ташкилот, ўқув муассасалари ишчи-хизматчиларининг фарзандлари учун Тошкент давлат циркидаги янги йил байрам томошаларига 4800 дона, Абдор Ҳидоятлов номидаги драма, Тошкент оперетта, Ёш томошабинлар театрига 3274 та чипта бепул берилди.

Ўзбекистон касаба уюшмалари Федерация кенгаши, шаҳар ҳокимлиги, касаба уюшмалари ташкилотлари бирлашмаси кенгаши вакиллари Республика миқёсидаги шифохоналарда турли вилоятлардан келиб даволанаётган бемор болаларнинг ҳолидан хабар олиш мақсадида Қорбобо ва Қорқиз билан Республика болалар ортопедия марказига йўл олишди.

— Қорқиз иккаламиз 2012 йилни яхши ният ва савобли ишлар билан бошладик, — дейди Республика ёш томошабинлар театри актёри, Қорбобо — Искандар Элмуродов. — Мен ҳаракатчан, ёш ва ҳазил-хузулга уста Қорбобоман. Болажонлар билан тез чиқишиб кетаман.

Совга олиб қувонаётган мунчоққўз болажонларни кузатиш жуда мароқли. Юрломий хонада ўтирган болалар ёнига Қорбобо ва Қорқиз кириб борганида, уларнинг кўзида севинч парлаганига гувоҳ бўлдик.

— Неварам Фароғат жуда хурсанд бўлди, — дейди Сурхондарё вилояти, Шўрчи туманидан келган Мингсултон Ҳўжаназарова. — 3 ёшдан бери шу шифохонага катнаймиз. Ҳозир у 14 ёшда. Насиб бўлса, бугунги хурсандчиликдан сўнг у, албатта тузалиб кетади.

Шунингдек, Қорбобо ва Қорқиз Республика болалар руҳий касалликлари шифохонаси, Болалар ортопедия маркази, Болалар суяк сили, Тошкент шаҳар онкология диспансери, Тошкент шаҳар болалар сил касаллиги шифохонаси, Республика қон қуйиш институти, Онкология илмий марказида даволанаётган 800 нафардан зиёд бемор болалар хузурида бўлиб, уларнинг совғалари билан хурсанд қилишди.

Муаллиф олган суратлар

Мамлакатимизда қанча терминал ва банккоматлар ишляпти? Улар орқали қанча пул айланмоқда, банккомат орқали қанча пул нақдлаштирилган?

Савдо ва пулли хизмат кўрсатиш шохобчаларига ўрнатилган 97 минг 300 дан ортиқ тўлов терминаллари орқали 2011 йилнинг ўтган 10 ойи мобайнида 7,4 трлн. сўмлик трансакциялар амалга оширилиб, ушбу кўрсаткич 2010 йилнинг шу даврига нисбатан қарий 2 баробарга ошган.

Бундан ташқари, йирик корхона ва ташкилотларда ўрнатилган 314 та банккоматлар ҳамда банк муассасаларидаги 5 мингдан зиёд терминаллар орқали 900 млрд. сўм микдоридан нақд пуллар берилган.

Қандай савдо шохобчаларида терминал ўрнатилган бўлиши шарт?

Чакана савдо ва хизматлар соҳаси объектлари ва аҳолидан нақд пул қабул қилиш пунктлари (қўнчиликка мувофиқ аҳоли билан пулли ҳисоб-китобларни назорат-касса машиналарини қўлламаган ҳолда амалга ошириш ҳуқуқига эга бўлган объектлардан ташқари), яъни турғун савдо шохобчалари, дорихоналар, умумий овқатланиш корхоналари, автомобилларга ёниги қуйиш шохобчалари ҳамда барча турдаги пулли хизматларни кўрсатувчилар (уй-жой коммунал хизматлари, автотранспорт воситаларини вақтинчалик сақлаш жойлари, алоқа бўлимлари, машиий хизмат кўрсатиш ҳамда маданий-оммавий ва томоша тадбирлари ўтказиладиган объектлар, авиа ва темир йўллар нипталарининг сотиш кассалари, автовокзал ва автостанциялар кассалари, меҳмонхоналар, сугурта ташкилотлари ва молия бозорининг бошқа субъектлари) ва аҳоли билан пулли ҳисоб-китобларни амалга оширувчи бошқа хўжалик юритувчи субъектларида тўлов терминаллари ўрнатилиши шарт.

Марказий банкнинг «Ишонч» фаолияти ҳақида тўхталиб ўтсангиз.

Ўзбекистон Республикаси Президентининг 2005 йил 6 апрелдаги қарори талабларига асосан ҳар бир минтақада савдо ва хизмат кўрсатиш корхоналари томонидан тўловларни пластик карточкалар орқали амалга оширишда ҳисоб-китоб терминалларида фойдаланиш масалалари бўйича миқозларнинг мурожаатларини зудлик билан қўриб чиқиш учун «Ишонч» телефонлари» ташкил этилган.

Шунингдек, Президентининг 2005 йил 5 августдаги «Банклардаги депозит ҳисобварақлардан нақд пул тўловларини узлуксиз таъминлаш кафолатлари тўғрисида»ги қарорига асосан Марказий банк, тижорат банклари ва уларнинг худудий бошқармаларида ташкил этилган «Ишонч» телефонлари орқали банкларда пластик карточкалар билан ҳисоб-китобларни амалга оширишда алоқа келатган муаммолар бўйича келиб тушган масалалар ҳам зудлик билан ўрганиб чиқилиб, фуқароларнинг қўнчи талаблари қондирилмоқда.

Тадбир

■ Мансур АЛОВУДИНОВ, «Ishonch» мухбири

Ёқилги-энергетика комплекси, кимё саноати ва геология ходимлари касаба уюшмаси Навоий вилояти кенгашининг навбатдаги мажлиси бўлиб ўтди.

Унда Федерация кенгашининг ўтган йил 28 январдаги II мажлиси қароридан белгиланган устувор вазифалар бўйича тармоқ касаба уюшмаси вилоят кенгашининг 2011 йилда амалга оширган ишлари муҳокама қилинди.

Сарҳисоб

Кенгаш раиси Низомиддин Шониязов олиб борилган ишлар ҳақида маъруза қилди. «Навоийазот» ОАЖ касаба кўмитаси раиси Тўлқин Рўзимуродов, Навоий худудий электр тармоқлари касаба уюшма кўмитаси раиси Шавкат Турсунов, «Навоий иссиқлик электр станцияси» ОАЖ касаба уюшма кўмитаси раиси Музаффар Ярашев ва бошқаруш бўлими раиси Муаммолар ва уларнинг ечими хусусида фикр билдиришди.

Бухоро нефтни қайта ишлаш заводи касаба уюшма қўмитаси

Мамлакат иқтисодиётини ривожлантиришга муносиб ҳисса қўшаётган корхонамиз ишчи-мутахассисларини, ҳамкорликда фаолият кўрсатаётган жамоалар ходимларини, барча юртдошларимизни Янги йил ҳамда Ўзбекистон Қуролли Кучларининг 20 йиллиги билан самимий қутлайди.

«Мустаҳкам оила йили»да халқимизга мустаҳкам соғлиқ, фаровон ҳаёт, бахту саодат, ишларида ҳамisha омад ёр бўлишини тилаб қолади.
2012 йил ҳар бир хонадонга хушқайфият, файзу барака олиб кирсин!



«Ситораи Моҳи Хосса санаторийси» масъулияти чекланган жамияти маъмурияти ва касаба уюшма қўмитаси

Барча юртдошларимизни
2012 йил ҳамда Ўзбекистон
Қуролли Кучларининг
20 йиллиги билан самимий
қуборакбод этади.
«Мустаҳкам оила йили»да
мамлакатимиз аҳолисига
сўғат-саломатлик, тинч ва
фаровон ҳаёт, хушқайфият,
ишларида улкан
муваффақиятлар тилайди.

«Ситораи Моҳи Хосса санаторийси» иклимий ва бальнеологик курорт зона ҳисобланади, Зарафшон дарёси воҳасида, денгиз сатҳидан 500 метр баландликда, Бухоро шаҳрининг шарқий чеккасида, сулим бир масканда жойлашган.

Даволаш омиллари: иклими ва сульфат-хлорид натрийли, кам минераллашган маъданли суви ҳисобланади ва Улар буйрак, асаб тизими, ҳаракат-таянч ва овқат ҳазм қилиш аъзолари касалликларини даволашда қўллаб-қўлланади.

Санаторийда замонавий ташхис ва даволаш хоналари, маъданли сув билан даволаш, физиотерапия, лазертерапия, балчиқ билан даволаш, жисмоний бадантарбия, укаланиш, чўмилиш ҳавзаси, сауна, фитобар ва парҳез овқатлантириш соғлигингизни тиклаш мақсадларида қўлланилади.

Ётоқ биноси бир ва икки ўринли шинам хоналардан иборат.

Ошхона, савдо ва маиший хизмат кўрсатиш шохобчалари, маданият саройи, спорт майдончалари, кутубхона сизнинг хизматингизда. Музей мавжуд. Бухоро шаҳрининг тарихий обидаларига сайхатлар ташкил қилинади.

Бизнинг манзилимиз: Бухоро шаҳри, «Ситораи Моҳи Хосса санаторийси» МЧЖ

Телефонлар: (8-365) 228-50-66, 228-50-26

Хизматлар лицензияланган

«Бухоропахтасаноат ҳудудий бирлашмаси» ОАЖ бирлашган касаба уюшма қўмитаси

Соҳа ходимлари ва ҳамкорликда меҳнат қилаётган жамоалар ишчи-ҳодимларини, мамлакатимизнинг барча аҳолисини 2012 йил ҳамда Ўзбекистон Қуролли Кучларининг 20 йиллиги билан самимий қутлайди. Халқимизга тинчлик-тотувлик, бахту саодат, сўғат-саломатлик, дастурхонларига файз-барака, бунёдкорликнинг барча жабҳаларида омадлар ёр бўлишини тилайди. Кўнгишларга жо бўлган барча орзу-ниятлар рўёбга чиқиб, келажакимиз янада фаровон бўлсин!



Агросаноат мажмуи ходимлари касаба уюшмаси Бухоро вилоят кенгаши

Халқимиз дастурхони тўқинлигини таъминлашга, мамлакатимизнинг иқтисодий салоҳиятини оширишга муносиб ҳисса қўшиб келаятган аграр соҳа ходимларини, юртимизнинг барча аҳолисини 2012 йил ҳамда Ўзбекистон Қуролли Кучларининг 20 йиллиги билан табриклайди. Фидойилик кўрсатаётган халқимизга оилавий тотувлик, ўзаро ҳамжиҳатлик, мустаҳкам соғлиқ, бахтли ҳаёт, қалбларидаги энг мусавффо туйғулар рўёбга чиқишини тилайди.



ЎЗБЕКИСТОН — БАХТИЁР БОЛАЛАР МАМЛАКАТИ



Сарфар УРМОНОВ (УзА) олинган сурат

С.АКБАРОВ

Мухтор Ашрафийни ёд этиб

Юрт равнақиға улкан ҳисса қўшган инсонларни хотирлаш ёшлар маънавий тарбиясида алоҳида аҳамият касб этади.

Улар Ўзбекистонда профессионал музикага асос солган санъаткор, кўплаб давлат ҳамда халқаро мукофотлар лауреати, дирижёр ва композитор Мухтор Ашрафий (1912-1975) ҳаёти ва ижоди билан яқиндан танишиш имконига эга бўлишди.

Маънавият соатларида

босқич талабаси Гулноза Меликулова томонидан дуторда ижро этилган халқ куйлари билан бошланди.

пиано учун пьеса» композицияси маромига етказиб ижро этилди.

Кеча шу тарзда бир-биридан ажойиб, ёш композитор ва хонандаларнинг қўшиқлари билан давом этди.

Тадбирда Тошкент шаҳар маданият муассасалари ходимлари бирлашган касабга уюшма кўмитаси раиси Наталя Гунова очиб, М.Ашрафий ижодида доир қизикарли маълумотлар ҳамда уй музейининг ташкил этилиши тарихи ҳақида гапирди.

Нарзулла МАХАМОВ, «Ishonch» мухбири

Чирчиқ шаҳридаги Чайковский номидаги 15-сон болалар музика ва санъат мактаби 1978 йилда ташкил этилган бўлиб, таъмирталаб аҳволга келиб қолган эди.



Қарор ва ижро

Ёш иқтидорларга ғамхўрлик

— Амалга оширилаётган ишлар ёшларнинг миллий ва жаҳон музикаси, тасвирий санъатининг юксак намуналаридан кенг баҳраманд бўлишида муҳим аҳамият касб этмоқда.

Дарвоқе, қурилиш-реконструкция ишлари Янгийўл туманидаги «Меҳнат-каш» хусусий фирмаси томонидан амалга оширилди.

— Ҳозирда бу ерда 350 нафар ўқувчи 9 йўналиш — фортепиано, скрипка, ўзбек халқ чолғулари, хореография, тасвирий санъат, эстрада хонандалиги, гитара, пуфлама чолғулар (дамли чолғулар), рус халқ чолғулари бўйича таҳсил олишмоқда.

— Билим юртимизда 40 нафар ўқитувчи ёшларнинг камолоти йўлида самарали меҳнат қилишяпти. Уларни ҳар томонлама қўллаб-қувватлаш ва намунали меҳнат шaroити яратиб бериш асосий вазифамиздан биридир.

— Бир сўз билан айтганда, санъат максадида ватанимиз довруғини дунёга тараннум этишга қодир баркамол авлод камол топмоқда.

«Navoly mulk markazi» MCHJ бошланғич баҳоси босқичма-босқич ошиб бориш тартибда ўтказиладиган очик аукцион савдосига таклиф этади!

3. «DAEWOO LEGANZA» русумли, давлат белгисиз бўлган, 2000 йил ишлаб чиқарилган, техник носоз автотранспорт воситаси.

10:00 да бўлиб ўтишини олдидан маълум қиламиз. Аризаларни қабул қилишнинг охириги мuddати 2012 йил 17 февралдаги такрорий савдо учун 2012 йил 16 феврал кuni соат 18:00; 24 февралдаги савдо учун 23 феврал кuni соат 18:00.

жавти нусхаси, жисмоний шахслар паспорт нусхаси, юридик шахслар давлат рўйхатидан ўтганлиги тўғрисидаги гувоҳнома нусхасини тақдим этади.

«FARGONA MULK MARKAZI» MCHJ бошланғич баҳоси босқичма-босқич ошиб бориш тартибда ўтказиладиган очик аукцион савдосига таклиф этади!

нади (13:00 дан 14:00 гача тушлик вақти). Аризаларни қабул қилишнинг охириги мuddати: 2012 йил 6 феврал кuni соат 18:00.

«Surxondaryo mulk markazi» MCHJ бошланғич баҳоси босқичма-босқич ошиб бориш тартибда ўтказиладиган очик аукцион савдосига таклиф этади!

Аукцион савдосига Ўзбекистон Республикаси Вазирлар Маҳкамасининг 2011 йил 26 майдаги 153-сонли қарорига мувофиқ «Ўздонмахсулот» АК нинг 2011 йил 31 майдаги 1/2-11-сонли қарорига асосан «Сурхондарёдонмахсулотлари» ОАЖга тегишли, Термиз шаҳри Зерновая кўчаси 1-уй «Сурхондарёдонмахсулотлари» ҳовлисида сақланаётган, «Эсперо» русумли, д/р 19 АВ 007 бўлган, 1994 й/ч таъмир талаб автотранспорт воситаси қўйилмоқда.

«Respublika mulk markazi» EAJ бошланғич баҳоси босқичма-босқич ошиб бориш тартибда ўтказиладиган очик аукцион савдосига таклиф этади!

Table with 5 columns: №, Объектнинг номи, Жойлашган жойи, Бошланғич баҳоси (сўмда), Сотилиш баҳоси (сўмда). Lists 11 items for sale.

Ўтганларнинг охириги обод бўлин «Марказгазтаъминот» унитар корхонаси Жиззах вилоят мувофиқлаштириш бошқармаси маъмурияти ва касабга уюшма кўмитаси бошқарма иқтисодчиси Эркин ШОДМОНОВнинг вафоти муносабати билан унинг оила аъзолари ва яқинларига ҳамдардлик билдиради.

Advertisement for 'Insonga naf keltirish' (Beneficial to people) featuring 'Muassis: O'zbekiston kasaba uyushmalari Federatsiyasi' and 'Bosh muharrir: Abduxoliq Abdurazzoqov'.